

مکرمه

ادبی و سیاسی رساله اسبوعیه در

۳۱ نجی سنه

۲ ذی الحجه ۱۳۲۹

پنجشنبه

جزء عدد : ۱۲۲

چینگ نفوس عمومیه ی

چینگده مؤخرأ ظهور ایدن اختلالك اسبابی وشكل حاضری حقنده كچن هفتهكى نسخهمزده برمقاله مخصوصه ايله معلومات ورمشكد. بواختلال، ایتالیا — عثمانلی حرب حاضرینه رغماً، انظار عمومیه جهانك چین اوزرینه كمال اهمیتله انعطافه وسیله اوليور. ذاتاً چینگلیر ، ۱۹۰۰ سنه سنده واقع اولان (بوقسور) قیام و اغتشاشندن بری افكار عمومیه عالمی صیق صیق اشغالدن خالی قالماقده ایدیلر . هله ژاپونلرك ، ۱۹۰۴ تاربخنده قوجه روسیه دولته ایندیردیکي ضربه غالبیت ، آسیانك باشلیجه اقوامنه بر درس انتباه تشکیل ایلدیکي کي بالخاصه عصرلردن بری مألوف عطالت اولان چینگلیردهده فکر ترقی و تکمیل ایچون بیوک برشوق و خواهش اویانديره رق اوساقله بوقومك بك واسع بر مقیاسده اصلاحات اداریه و خصوصیه تشکیلات عسکریه به مباشرت ایلمنی انتاج اتمشدی. بوايسه آلمانیا ایمپراطورینگ اثر اختراعی اولان معهود (تهلکة اصفر) اندیشه لرینگ بك جدی صورته یگیدن تولدینه باعث اولدی. چونکه چین، معلوم اولدینی اوزره، کثرت و مجانست نفوسی اعتباريله دنیانك الك بیوک حکومتی اولدینی جهتله ، اکر چینگلیر ، اوروپانك اصول تشکیلات عسکریه سنی مملکتلرنده عیناً تطبیق ایدمك اولورلرسه ، میدانم کتیره جککری قوت عظیمه ، هیچ بر قوم ایچون امکان مقاومت براقیه جق بر مرتبه به واصل اوله جقندن ، اوروپالیر آرتق گندیلری ایچون اقصای شرقده هر درلو استیلا ارزولرندن فراغت ایلک لازم کله جکینی و حتی کچمش حقسنزلقلرك، تجاوزلرك بيله رؤیت حسابی ایجاب ایلله جکینی دوشونهرک ، بیوک بر حس خوف و احترازه قایلقدن منع نفس ایدم یورلرکه ، بوخوف و اندیشه نك آثار و علامتی غربك الك بنام ارباب تفکرینگ وقت وقت یازدقلری مقالانده بك آشکار صورته گوریليور.

چینگیلرک نفوسنه کانجه . شمدی به قدر ونفوسک یالگنز فوق العاده کثیر اولدیغی معلوم اوله رق ، فقط مقدار حقیقیسی - ولوتقریبی اولسون - بیللمه مامکده ایدی . واقعا چینگ مقدار اهاالیسنه نقل کلام ایدلکجه ، علی الاطلاق درتیوز میلیون نفوسدن بحث ایلک معتدایسه ده ، صاحب رأی عدایدیلن بعض جغرافیون وارباب تدقیق بومقدارک هیچ بروقت او جیوز اللی میلونی کچمیه جگنی ادعا ایدیورلر وبعضیلری ده بالعکس چینگیلرک یکون نفوسی درتیوز اللی میلونی بیللمه متجاوز اولدیغنی درمیان ایلورلردی . یعنی آرمده یوزمیلونلق بر اختلاف ظاهر اولیوردی . چین حکومتی ایسه درت بش سندن بری مباشرت ایلدیکی اصلاحات اساسیه جمله سندن اوله رق ، کچن ۱۹۱۰ سنه سنده ، دول متمدنک هر بش ویا اون سنده اجراسنی اعتیاد ایدن کلری اصوله امتثالاً ، ملکته عمومی برنجیر نفوسه باشلایه رق الله ایتدیکی ارقامی بوکره نشر ایلش وبوصورتله جغرافیون ایله ارباب وقوفدن کچینلر آرمسندکی اختلافاته خانه حکمشدر .

بوارقامه نظراً ایوم چین امپراطورلغک نفوس عمومی سی (۴۳۹,۲۱۴,۰۰۰) فردم بالغ اولمقده در . مقدار مذکور ، چینگ تقسیمات ملکیه حاضره سی اعتباریله ، قطعات وایالته وجه آتی اوزره انقسام ایلکده در :

نفوس

۱۷,۰۰۰,۰۰۰	آن - هوئه	۳۰,۰۰۰,۰۰۰	مانجوری
۲۸,۰۰۰,۰۰۰	کیانغ - سو	۲۳,۹۸۰,۰۰۰	چی - لی
۳۷,۰۰۰,۰۰۰	چه - کیانغ	۱۱,۸۰۰,۰۰۰	شانتونغ
۷۹,۵۰۰,۰۰۰	فو - کیهن	۳۰,۰۰۰,۰۰۰	سه - شوآن
۲۲,۰۰۰,۰۰۰	قانتون	۳۲,۰۰۰,۰۰۰	هو - نان
۳۴,۰۰۰,۰۰۰	قوآن - سی	۸,۰۰۰,۰۰۰	هو - په
۲۴,۵۳۴,۰۰۰	یوننان	۸,۰۰۰,۰۰۰	کیانغ - سی

بومیانده هنوز (شان - سی) ، (هو - هان) ، (شهن - سی) ، (قان - سو) و (قوه نی - چهو) ایلنلرینک مقدار اهاالیسی علی المفردات تعیین ایدیله مامش ایسه ده

بوش ایالت نفوسنک یکون عمومی ده (۵۵) میلیون متجاوز بولندی تخمین
اولمقدمه در .

بو (۴۴۰) میلیون نفوسنک حقنده برفکر ویرمک ایچون شونی سویلیه ملکه
ایوم اورویا اهالیسنک هیئت مجموعه سی (۴۳۰) میلیون کچمه مکده در . تهله
اصغر قوروتیسسه بی حضور اولان اورویا متفکرینک شویکی عددی مقایسه
ایندجه آرق اندیشه واسنغرابارینک نه مرتبه لره واصل اوله بیله جکنی اصحاب
مطالعه نك قوه تخلیه وتصوریله رنه ترك ایلرز .

بوراده بالاستطراد بر نقطه ده ارباب مطالعه نك نظر دقتی جلب ایلک ایسترز .
چین حکومتی حقیقی طریق اصلاحات و تجدیداته ، ژاپون - روس محاربه سندن صگره
یعنی آنجق دوت بش سنه مقدم قدم نهاده اولمشدر . اوقته قدر ایسه چینک کرك
تشکیلات اداریه سینک کرك تأسیسات ملکیه سینک نه مرتبه لره گهنه وانتظامدن بری
اولدینی محتاج ایضاح دکلددر . حال بویله ایگن چین حکومتی ، اصلاحاته باشلار
باشماز ، بردولت متمدنه ومنتظمه ایچون ، مطلقا تبعه سینک مقدار حقیقیه سی
یلک نه درجه لره الزم اولدینی تقدیر ایتمش و حوزة مالکینک وسعتنه ، وسائطنک
عدم کفایتنه رغماً دوره تجدد و ترقیسنک ده مبادیسنده تحریر نفوسه باشلایه رق
بوتشینی موفقیته نتیجه اندیر مشدر . بز عثمانیلر ایسه ، تشکیلات اداریه جه ،
وسائط استخباریه جه چینه نسبتله دها چوق منتظم و مترقی بر مرتبه ده اولدینمز حالده ،
مشروطیتک اعلاندنبری کذران اولان اوج بحق سنه ظرفنده ، عمومی بر تحریر
نفوس اجرا دکل ، حتی بویله بر تشبثک درجه لزومنی بیله تقدیر ایده مدیکمزدن
هنوز مملکتکمزك مقدار اهالیسی ، حتی تقریبی اوله رق بیله معلوم بولنما مقده در .
چونکه بوکون عثمانلی نامنی طاشیانلرک عددی بر رواسته کوره یگرمی بش میلیون
تجاوز ایتمکده ، دیگر بر ادعایه نظر آایسه ۳۰ میلیون کچمه مکده در . عجبا اصلاحات
و تجدیداتک بعض اساسلی نقطه لر نه بویله چینیلر قدر بیله اثر موفقیته کوسترمیه جکمز
کیمک عقلنه گلیردی ؟